

第二〇九冊

方輿彙編

邊裔典

邊裔總部

邊裔總部

朝鮮部

東方諸國總部

(卷)

一二

三

三

古今圖書集成

中華書局影印

欽定古今圖書集成方輿彙編邊裔典

第一卷目錄

邊裔總部彙考一

陶唐氏一則

商成湯一則

周武王一則 成王二則

漢總一則

後漢總一則

晉總一則 武帝咸寧二則

宋總一則

南齊總一則

隋總一則



五百里荒服三百里蠻二百里流

荒服去王畿益遠而經略之者視要服為尤略

也以其荒野故謂之荒服要服外四面又各五百

里也流流放罪人之地蔡與流皆所以處罪人而

罪有輕重故地有遠近之別也此分荒服五百里

而為二等也禹聲教所及則地盡四海而其疆理

則止以五服為制至荒服之外又別為區畫如所

謂咸建五長是已全大王氏曰夷易也略中國禮法

易而已蠻慢也甚於夷矣林氏曰記言東夷西戎

南蠻北狄相對而言則有四名舉一二言則皆可

通如四夷來王蠻夷率服是也

商

成湯 年定四方貢獻令

按汲冢周書王會解伊尹朝獻商書湯問伊尹曰諸

侯來獻或無牛馬之所生而獻遠方之物事實相反

不利今吾欲因其地勢所有獻之必易得而不貴其

為四方獻令伊尹受命於是為四方令曰臣請正東

符婁仇州伊慮溫深九夷十蠻越溫鬻文身十番東夷蠻越

之請令以魚文之鞞缺劍之鑿鯨厥利劍為獻正南

甌鄒桂國損子產里百濮九菌六者南蠻請令以珠

璣瑇瑁象齒文犀翠羽菌鶴短狗為獻正西崑崙狗

國鬼親枳已闕耳貫賈離題離丘漆齒九者西戎請

令以丹青白旄紕屬江歷龍角神龜為獻正北空同

大夏莎車姑他旦略貌胡戎翟匈奴樓煩月氏蟻罕

其龍東胡十三者北請令以橐駝白玉野馬駒駼駃

騊駼良弓為獻湯曰善按此商時之事周書以類相附

見商時遠方人貢之概云南字字

典不載恐作偽或作苗疑原本說

周

武王十有四年通道於九夷八蠻西旅獻按通鑑前編作

按書經旅獒惟克商遂通道于九夷八蠻西旅底貢

厥燹太保乃作旅獒用訓于王曰嗚呼明王慎德四

夷咸賓無有遠邇畢獻方物惟服食器用王乃昭德

之致于異姓之邦無替厥服分寶于伯叔之國時

庸展親人不易物惟德其物德盛不狎侮狎侮君子

罔以盡人心狎侮小人罔以盡其力不役耳目百度

惟貞玩人喪德玩物喪志志以道寧言以道接不作

無益害有益功乃成不貴異物賤用物民乃足犬馬

非其土性不畜珍禽奇獸不育于國不寶遠物則遠

人格所寶惟賢則邇人安嗚呼夙夜罔或不勤不矜

細行終累大德為山九仞功虧一簣允迪茲生民保

厥居惟乃世王

曲禮云其在東夷西戎南蠻北狄經舉夷蠻則

戎狄可知四夷慕化貢其方賄言所貢非獨旅也

四夷各自為國無大小統領九八言非一也釋地

云九夷八狄七戎六蠻謂之四海又云八蠻在南

方六戎在西方五狄在北方上下二文三方數目

不同明堂位稱九夷八蠻六戎五狄與爾雅上文

不同周禮職方氏掌四夷八蠻七閩九貉五戎六

狄之人鄭衆云四八七九五六周之所服國數也

編檢經傳四夷之數參差不同先儒舊解此爾雅

殷制明堂位及職方并爾雅下文云八蠻在南六

戎在西五狄在北皆為周制義或當然明堂位言

六戎五狄職方言五戎六狄趙商以此問鄭鄭答

此也此分要服五百里而為二等也

方輿彙編邊裔典第一卷邊裔總部

云戎狄但其國數其名難得而知注九夷八蠻

多之稱也職方言四夷八蠻爾雅言九夷八蠻但

言其非一而已注大朱子曰舉夷蠻以見其餘也子

欲居九夷東方夷有九種八蠻今猶云然

成王七年大會諸侯于成周四夷入貢作王會

按汲冢周書王會解成周之會壇上張赤奕陰羽

注王城既成大會諸侯及四夷也陰鶴也以羽飾

帳也除地曰壇奕帳也

天子南面立纓無繫露朝服八十物措筵

注繫露冕之所垂也所尊敬則有焉八十物大小

所服措插也筵笏也

唐叔荀叔周公在左太公望在右皆纓亦無繫露朝

服七十物措笏旁天子而立於堂上

注唐荀國名皆成王弟故曰叔旁差在後也近天

子後其冕亦無旒也

堂下之右唐公虞公南面立焉

注唐虞二公堯舜後也

堂下之左殷公夏公立焉皆南面纓有繫露朝服五

十物皆措笏

注杞宋二公冕有繫露措笏則唐虞闕也

為諸侯之有疾病者降階之南視淮氏榮氏次之皆

西南彌宗旁之

注淮榮二祝之氏也彌宗官名次圭瓚南差在後

為諸侯有疾病者之醫藥所居

注使諸左右也居則至也

相者太史魚大行人皆朝服有繫露

注魚太史名及大行人皆贊相賓客禮儀也

堂下之東面郭叔掌為天子萊幣焉纓有繫露

注郭叔號文王弟萊錄諸侯之幣也

內臺西面者正北方應侯曹叔伯舅中舅

注內臺中臺也應侯成王弟

比服次之要服次之荒服次之西方東面正北方伯

父中子次之

注此要服於比服轉遠殊故殊其名非夷狄之四

荒也伯父姬姓之國中子於王十中行者也

方千里之外為比服方千里之內為要服三千里之

內為荒服是皆朝於內者

注此服名因於殷非周制也

堂後東北為赤奕焉浴盆在其中

注雖不用而設之敬諸侯也

其西天子車立馬乘亦青陰羽冕旌

注鶴冕羽為旌旌

中臺之外其右泰士臺右彌士

注外謂臺之東西也外臺右泰士右彌士十言尊

王泰彌相儀之事也

受贊者八人東面者四人

注受賓幣士也四人東面則西面四人也

陳幣當外臺天元徽宗馬十二

注陳東帛被馬於外臺天元黑徽宗尊也

王元繚碧基十二

注此下三碧皆玉故自下以至王之元繚謂之黑

組紐之基玉各有十二基也

參方元繚壁豹虎皮十二

注參方陳幣三所也壁皮兼陳也

四方元繚壁琰十二

注琰珪也有鋒疾陳之四方所列之也

外臺之四隅張赤奕為諸侯欲息者皆息焉命之曰

交關

注每角張息者隨所近也侯稱父也

周公旦主東方所之青馬黑徽謂之母兒

注周公主東方則太公主西方東青馬則西白馬

矣馬名未聞

其守營牆者衣青操弓執矛

注戟也各異方

西面者正北方稷慎大塵

注稷慎肅慎也貢塵似鹿正北內臺北也

穢人前兒前鬼若獼猴立行聲似小兒

注穢韓穢東夷別種

其夷在子在于注身人首脂其腹炙之霍則鳴曰在

子注良夷樂浪之夷也貢奇獸

揚州禺禺魚名解險寇

注亦奇魚也

發人鹿鹿者若鹿迅走

注發亦東夷迅疾

兪人雖馬

注兪東北夷雖馬舊駕注角大者曰麟也

青丘狐九尾

注青丘海東地名

周頭輝玆輝玆者羊也

注周頭亦海東地名也

黑齒白鹿白馬

注 黑齒西遠之夷也貢白鹿白馬

白民乘黃乘黃者似麒麟背有兩角

注 白民亦南夷

東越海蛤

注 東越則海際蛤文蛤

歐人蟬蛇蟬蛇順食之美

注 東越歐人也北交州蛇特多爲上珍也

姑於越納口姊妹珍

注 姊妹國後屬越

且歐文屨

注 且歐在越文屨大蛤也

若人元貝

注 若人吳越之蠻元貝照貝也

海陽大蟹

注 海水之陽一蟹盈車

自深桂

注 自深亦南蠻也

會稽以羆皆西嚮

注 其皮可以爲鼓首似麀以下至此向西也

正北方義渠以茲白茲白若白馬鋸牙食虎豹

注 亦在臺北與大塵相對義渠西戎國茲白一名

駁者也

注 史林戎之在西南者

北唐戎以閭閻以隴冠

注 北唐戎在西北者也射禮以閭象爲射器

渠更以麀大獸大者露犬也能飛食虎豹

注 渠更西戎之別名也

樓煩以星施星施者珥旄

注 樓煩北戎珥旄所以爲旄羽耳

十盧以牛牛者牛之小者也

注 十盧盧人西北戎也合盧水是

區陽以鼈封者若鼈前後有首

注 區陽亦戎之名也

規矩以麟者獸也

注 規矩亦戎也麟似鹿牛尾一角馬蹄也

西申以鳳鳥鳳鳥者戴仁抱義掖信歸有德

注 其形似鸚鵡首魚尾戴仁向仁國抱義懷有義

掖信歸有德之君也

丘羌鸞鳥

注 丘地之羌不同故謂之丘羌今謂之丘戾鸞大

於鳳亦歸仁義也

巴人以比翼鳥

注 巴人在南者不比不飛其名曰鵽鵽

方揚以皇鳥

注 方揚亦戎別名也皇鳥配於鳳者也

蜀人以文翰文翰者若皇鷄

注 鳥有文彩者皇鷄似鳬翼州謂之澤特也

方人以孔鳥

注 亦戎別名孔與鸞相匹也

卜人以丹砂

夷用閭采

注 夷東北夷采生火中色黑面光其堅若鐵

康民以桴苡者其實如李食之宜子

注 康亦西戎之別名也食桴苡即有身

州靡費費其形人身技踵自笑笑則上脣翕其目食

人北方謂之吐嚙

注 費費曰曼羊好行立行如人被髮前足稍長者

也

都郭生生若黃狗人面能言

注 都郭生生北狄二名

奇幹善芳善芳者頭若雄雞佩之令人不昧皆東嚮

注 奇幹亦北狄善芳鳥名皆東向列次也

北方臺正東高夷嚙羊嚙羊者羊而四角

注 高夷東北夷高句麗

獨鹿邛邛距虛善走也

注 獨鹿西方戎邛邛獸似距虛負厥而走也

孤竹距虛

注 孤竹東北狄距虛驢羸屬

不令支元模

注 不令支皆東北夷元模黑狐也

不屠何青能

注 不屠何東北夷

東胡黃熊山戎菽

注 山戎東北夷戎菽荳藥也

其西般吾白虎

注 次西般吾北狄近西

注屠州秋之別也

禹氏駒駟

注禹氏西北戎夷駒駟馬屬

大夏茲白牛

注大夏西北戎茲白牛野獸

大戎文馬而赤鬣縞身目若黃金名古黃之乘

注大戎西戎遠者

數楚每牛每牛者牛之小者也

注數楚北戎

匈奴戎犬役犬者巨身四尺果皆北嚮

注匈奴戎北戎

權扶三目

注權扶南蠻形甚小

白州北閩北閩者其革若干伐其木以爲車終行不

敗

注白州東南蠻與白民接也

禽人膏

注亦東蠻管草堅忍

路人大竹

注路人東方蠻貢大竹

長沙龜

注特大而美故貢也

其西魚復鼓鐘鐘牛

注魚復南蠻國也貢鼓及鐘而似牛形者

蠻揚之翟

注揚州之蠻貢翟鳥

倉吾翡翠翡翠者所以取羽

注倉吾亦蠻也翠羽其色青而有黃也其餘皆可自自古之政

注徐謂衆諸貢物也言政化之所至也

南人至衆皆北嚮

注南人南越

按竹書紀年成王七年春三月召康公如洛度邑甲

子周文公城東都王如東都諸侯來朝

成王 年周公定地官師氏師夷隸守王宮舍春官

隸師旄人韞韞氏掌夷聲樂夏官職方氏辨其人民

財畜懷方氏掌其迎送而四隸政令又以秋官司隸

攝之蕃國皆世一見則大行人主之而協其禮節及

作事則象胥職之

按周禮地官師氏使其屬帥四夷之隸各以其兵服

守王之門外且隸

注兵服旄布弓劍不同也門外中門之外隸止行

人不得迫王宮也 疏釋曰使其屬者屬即序官師

氏中大夫之下有屬官上士二人并有府史胥徒

之等各使四夷隸以其本國之兵器及其服以守

王之門外以衛王并使隸止行人也云兵服旄布

及弓劍者東方南方其服布其兵劍西方北方其

服旄其兵弓矢云門外中門之外者案閭人掌中

門之禁則中門內也人不得入明在中門之外

朝在野外則守內列

注內列蕃營之在內者也其屬亦帥四夷之隸守

之如守王宮 疏釋曰內列蕃營之在內者言蕃營

之在內謂若司戈盾云及舍設藩盾者也案司隸

職云守野舍之屬禁上文云使其屬帥四夷之隸

則二處皆帥四夷隸守之故云其屬亦帥四夷之隸守之如守王宮也

春官隸師

義訂薛平仲曰自司樂之掌樂事大師之教樂事典

同之爲樂器雅樂備矣納蠻夷之樂於祭祀燕享

之用豈非悅遠人之極功乎抑疑隸師旄人韞韞

氏之設皆以教夷樂然隸師旄人之後必繼之籥

師籥章韞韞氏之後必繼之典庸器司干何歟夫

遠人之服由文德以來之自其慕德而來莫不自

見其聲歌舞蹈之節周人因之以備樂載之官府

而不廢彼籥之爲樂皆以象文德也則以次於隸

師旄人之後至於韞韞氏合四夷之樂以歌之則

德化益遠典庸器之所以表其功者於是爲無愧

矣然先王長慮却顧文事必有武備則司干之繼

於後者所以教之以武舞歟若夫隸師舞東夷之

樂故其人可得而定旄人舞散樂夷樂故其人不

可得而定然後四方之有能於此者皆得以自見

其藝則先王因之以觀四方之風豈不在是乎

鄭鐸曰作四夷之樂當從其國不變其俗故隸師

所服者赤章示不變其所服旄人所執者牛尾示

不變其所執也韞韞氏所履者革屨示不變其所

履也 陸氏曰王者舞先王之樂明有法也舞當

代之樂明有制也舞四夷之樂明有懷也

掌教隸樂

義訂鄭鐸曰四夷樂東方曰隸南方曰任西方曰侏

離北方曰禁此特設官以掌東夷之樂竊疑三方

之樂不存于祭祀大享之時而東夷樂猶近正孔

子之所欲居且爲其子之國則其樂有中國之風可知明堂位韞作昧詩韞韞有夷左傳韞韞之跗皆以韞爲赤色之韞樂名曰韞意舞者衣赤色之韞也 李景齊曰禮記明堂位曰昧東夷之樂也任南蠻之樂也納蠻夷之樂於太廟所以廣魯於天下也成周所以用夷樂意蓋謂是祭祀則率其屬而舞之

舞東夷之舞 凡舞夷樂皆門外爲之 王昭禹曰其屬則十六人 劉執中曰舞韞之位門外祭祀大饗皆用之示四夷來王也

旄人舞者衆寡無數

鄭康成曰旄旄牛尾舞者所持以指麾 王昭禹曰四夷之民有執旄以舞者先王因立官以教焉 黃氏曰旄東夷之樂特置一官其徒四十人其樂亦盛也舞者十六人則有定員旄人蓋雜四夷之舞者衆寡無數或多或少皆可合四夷之舞與散樂而其徒二十人比旄爲微可知 陳君舉曰旄舞非中國之樂因得四夷之權心使鼓舞焉以承祭祀以共饗燕君子所樂也豈拘數哉 李嘉會曰無所拘限來者從之

掌教舞散樂舞夷樂

鄭鐸曰散樂野人之樂節奏疎散而非六代之舞夷樂四夷之樂而非中國之法舞有可用者旄人教之皆執旄以舞 賈氏曰旄人教樂而不掌韞韞氏掌樂而不教互相統耳 王氏詳說曰韞韞氏所掌專於夷樂旄人所教不止於夷樂况韞韞之於夷樂吹而歌耳初未嘗舞也然則旄人云

四方以舞仕者屬焉祭祀賓客舞其燕樂則旄人之所教人者衆矣不必如樂師之教國子有旄舞旄人之所用於舞者亦廣矣不必如二鄭之說旄舞之用於辟雍

凡祭祀賓客舞其燕樂

賈氏曰饗燕作燕樂時使四方舞士舞之以夷樂 黃氏曰旄樂祭祀賓饗必舞之散樂夷樂祭祀賓客則舞其燕樂不用燕樂則不舞是則旄猶近雅歟

韞韞氏

鄭鐸曰韞韞也韞屨也以革爲屨夷樂者之所履作其樂歌之時則屨是屨以爲容唐之燕樂有高昌部用赤韞有扶南樂舞用赤皮鞋周韞韞之類 易氏曰韞韞者樂工所履之屨名官以韞韞使之掌四夷之樂言其際天所履薄海內外凡有足所履無不至

掌四夷之樂與其聲歌

王者必作四夷之樂一天下也言與其聲歌則云樂者主於舞 釋曰四夷樂名出於孝經緯鈞命決故彼云東夷之樂曰旄持矛助時生南夷之樂曰任持弓助時養西夷之樂曰佻離持鉞助時殺北夷之樂曰禁持楯助時藏皆於四門之外右辟是也按明堂位亦有東夷之樂曰旄南夷之樂曰任又按虞傳云陽伯之樂舞佻離則東夷之樂亦名佻離者東夷樂有二名亦名佻離鄭註云佻離曲名言象萬物生佻離若詩云彼黍離離是物生亦曰離云王者必作四夷之樂一天下也者

按白虎通云王者制夷狄樂不制夷狄禮禮者所以拘中國不制禮恐夷人不能隨中國禮故也四夷之樂誰舞使國之人也云與其聲歌則云樂者主於舞者凡樂止有聲歌及舞既下別云聲歌明上云樂主於舞可知也 薛氏曰四夷樂或以其服色名之或以其聲音名之服色旄是也聲音佻離是也餘不可考旄人之樂施於祭祀大饗旄人韞韞氏之樂施於祭祀與燕者蓋東夷於四夷爲長饗於燕爲重韞師曰師而序於前旄人韞韞氏曰人曰氏而序於後然則東夷之樂蓋聖人所重歟 李嘉會曰先王多用夷樂不用夷禮者其禮非先王法度而其樂則可樂也若夫箕子封於朝鮮其禮亦可尚者有古意歟

祭祀則飲而歌之燕亦如之

黃氏曰韞韞夷樂器歟祭祀吹而歌之鄭謂以管簫爲之聲亦非必有吹者 王昭禹曰祭祀與燕吹其聲倡其歌以明得其歡心而服吾中國之役也 易氏曰旄人掌舞夷樂而祭祀賓客舞其燕樂是旄人掌舞而韞韞氏之職乃以聲音節之而已

夏官職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害

天下之圖如今司空輿地圖也鄭司農云東方曰夷南方曰蠻西方曰戎北方曰貉狄元謂閩蠻之別也國語曰閩蠻蠻夷四八七九五六周之所服國數也財用泉穀貨賄也利金錫竹箭之屬害

神姦鑄鼎所象百物也爾雅曰九夷八蠻六戎五狄謂之四海注釋曰辨其邦國據畿外諸侯都鄙據畿內采地先邦國尊諸侯也云四夷者據四方之夷總目諸方以九貉當東夷之處大司徒云掌建邦之土地之圖註云地之圖若今司空郡國輿地圖此註不言郡國者彼直掌九州不言夷狄九州之內有邦國故以郡國言之此職方兼主夷狄夷狄中漢時不置郡國惟置校尉掌之故此註亦不言郡國也先鄭云東方曰夷者以經云四夷即爲東夷也然夷之數皆言九於此獨言四不得卽以爲始此不言九夷者以其已有四夷之名爲目不可重言九夷故先從南數之也又云北方曰貉狄者先鄭既以四夷爲東方夷卽以貉狄總屬北方也元謂閩蠻之別也國語曰閩蠻蠻矣者按鄭語史伯曰蠻芋蠻矣註云謂上言叔熊避難於濮蠻隨其俗如蠻人也故曰蠻彼不作閩者彼蓋後人轉寫者誤鄭元以閩爲正叔熊居濮則蠻後子從分爲七種故謂之七閩也按經閩雖與蠻七八別數本其是一俱屬南方也云四八七九五六周之所服國數也者鄭志趙商問職方氏掌四夷八蠻七閩九貉五戎六狄之數註云周之所服國數禮記明堂位曰周公六年制禮作樂朝諸侯於明堂有朝位服事之國數夷九蠻八戎六狄五禮之事異未達其數鄭答職方氏四夷四方夷狄也九貉卽九夷在東方八蠻在南方閩其別也戎狄之數或六或五兩文異爾雅惟有其數耳皆無別國之名校文甚明故不定若然爾雅之數與明堂同

皆數耳其事鄭不甚明之未知何者不定按詩序云蓼蕭澤及四海註云九夷八狄七戎六蠻謂之四海復與爾雅及禮皆不同者蓼蕭或後人傳寫者誤當以爾雅與禮爲正也注鄭鑄曰職方所掌地圖與大司徒天下土地之圖一也然大司徒所掌者王朝之圖要知中國及九州可以建國分封之地且將以辨土宜而施教也職方所掌則兼中國要知其上之所有不止國中分封之地而已大司徒馬將以施九畿之政職必本是圖故不屬於大司徒而屬於司馬後世所謂司空輿地圖光武嘗披之以問鄧禹者是也四八七九五六者其種類分別多矣周之所服者其數止此武王克商通道於九夷八蠻而周明堂位有九夷八蠻五狄六戎之國各列於門外其數與此或差者意當時版圖入於職方者如此耳辨其民則以廣谷大川異制民生其間異俗飲食異宜器械異用辨其財用則以布帛財貨所資者不同辨其九穀則以土之所生者或四種五種所宜各不同辨其六畜則以物之所產者或四擾三擾所性各不同故也 陳君舉曰周天天下方七千里大槩與四夷八蠻七閩九貉五戎六狄并言之其實諸侯封守不如是之廣也以王制攷之西不盡流沙南不盡衡山東不盡東海北不盡常山凡四海之內絕長補短方三千里是天子壤地之實其間亦有戎狄錯居如魯徐戎之類是也又荆楚之地在江漢之間自楚以南悉爲百越之地而衡山在楚之極南安在天子之封內耶舉一隅則四海可知 王氏詳說曰明堂

位言九夷八蠻五戎六狄與職方不同以爾雅攷之明堂位爲正李巡注爾雅以元黃樂浪等爲九種之夷天羊啖首羊爲八種之蠻繞夷戎史等爲六種之戎月支獫狁等爲五種之狄是也賈氏以四夷爲四方之夷總名以九貉爲東方九夷以七閩爲南方八蠻其說得矣但此五戎當爲六六狄當爲五 葉氏曰嘗疑召公在燕太公在齊唐叔在晉皆爲邊遠與戎狄鄰接而江漢之間封建所不至則周之所自治者固甚狹而職方所辨乃若是其詳雖漢唐盛時不能何也豈姑著之圖籍而實未嘗統屬耶周召之政其必不然夫辨之詳而責之略治之狹而服之廣非德有餘於天下何以致之 懷方氏掌來遠方之民致方貢致遠物而送逆之達之以節治其委積館舍飲食 鄭陳及之曰鄭氏謂遠方之民四夷之民也論德延譽以來之若然則是漢武使張騫說諭西域之比當時設官之意謂遠方之民苟其歸附者懷方氏爲之如大小行人之待諸侯也成王時越裳氏重九譯而至非設官爲之主則言語不知其故飲食不知其好遠人失其所矣豈所以來遠方之民乎 王昭禹曰遠方之有貢猶六服之貢世一見各以其所貴寶爲貢也遠方有所獻之物猶六服諸侯之獻國珍也貢以致其臣子之禮獻以達其享上之誠四夷既不可責之以方貢使爲歲事之常又不可責其所出珍異之物以爲己玩好之具要在有以致之使之自至而已其來則逆之其

去則送之厚之以禮也其貨物則以璽節達之使道路無壅阻示之以信也治其委積所以備其用也治其館舍所以安其居也治其飲食所以順其嗜好也 鄭康成曰達民以旌節達貢物以璽節續食其往來 鄭鏐曰十里有廬廬有飲食三十里有宿宿有委五十里有市市有積此遺人所掌懷方氏爲之治其事蓋結之以恩也

秋官司隸

義訂鄭鏐曰羣隸之別有五曰罪閭蠻夷貉也除罪隸之外四夷皆夷翟之人故又謂之四隸之隸

掌五隸之灋辨其物而掌其政令

義訂鄭康成曰五隸謂罪隸四翟之隸也物衣服兵器之屬

掌帥四翟之隸使之皆服其邦之服執其邦之兵守王宮與野舍之屬禁

義訂鄭鏐曰翟與狄同東西南北之夷名雖不同總而言之皆夷狄耳 賈氏曰服其邦之服執其邦之兵者若東方南方衣布帛執刀劍西方北方衣氈裘執弓矢 王昭禹曰四夷各有利器宜服齊其政不易其宜修其教不易其俗也 黃氏曰四翟守王宮與牧誓羌擊庸微盧彭濮同意 鄭康成曰野舍王行所止舍也屬遮例也 鄭鏐曰王在宮與出在野皆使四翟之隸守之不使罪隸罪隸吾民之有罪者耳使四翟之人見其德足服四夷司隸正掌其事而師氏又使其屬董之而已

劉執中曰彼其死而復生又從而衣之食之盡其所能而役之故用之守王宮與厲禁而賴之以爲

腹心之衛也 愚按四翟之民南方之蠻而閩乃東南之別種東方之夷而貉乃東北之聚落獨不見西戎北狄之隸者蓋周自文王時西有昆夷之患北有獫狁之難而道化先被于南雖海隅出日之地德亦不冒至武王通于九夷八蠻所獲之民其服屬有素故帥而爲隸其在王宮之守衛則官正掌之其在野舍則師氏掌之不特此爾南方曰象則有象胥以待蕃國之使東夷之樂曰鞀則有鞀師以薦宗廟之樂皆此意也

蠻隸百有二十人

義訂鄭康成曰征南夷所獲 李嘉會曰先王必有蠻閭夷貉之隸想欲知其風俗耳然有無亦存其數云耳無則闕之

掌役校人養馬其在王宮者執其國之兵以守王宮在野外則守厲禁

義訂賈氏曰爲校人所役使以養馬案校人不見隸者蓋是雜役之中 王昭禹曰校人其徒八十人

有不足以給其役故蠻隸兼役其事也 陳蘊之曰古之宿衛王宮者不特士庶子而已有虎賁之虎士有司隸之五隸虎士有卒伍而四翟之隸有兵國有大事則守王門舍則守王閤而司戈盾車旅會同授虎士戈盾則王之在國在野可謂嚴矣

必使四翟之隸以王者所守在四夷也

閭隸百有二十人

義訂鄭康成曰閩南蠻之別

掌役畜養鳥而卑蕃教擾之

義訂王氏曰役則役于掌畜也 王昭禹曰卑蕃教

擾之與掌畜同事

掌子則取隸焉

義訂王昭禹曰子謂鳥所生者閩隸掌卑蕃其物則養之而使取隸於己者也因致其義焉鳥之無知飲啄鼓舞而唯閩隸之是從則閩隸之隸於中國豈異于是言掌子則取隸而不言守王宮與厲禁以司隸言掌帥四翟之隸守王宮與野舍之厲禁則閩隸之有守可知

夷隸百有二十人

義訂鄭康成曰征東夷所獲

掌役牧人養牛馬

義訂賈氏曰爲牧人所役使牧牛牲

與鳥言

義訂鄭司農曰夷狄之人或曉鳥獸之言故春秋傳介葛盧聞牛鳴曰是牲三犧皆用矣是以路隸職掌與獸言 王昭禹曰鳥之鳴猶人之言也詩曰相彼鳥矣猶求友聲以鳥能鳴以求其友非其言而然乎使夷隸與鳥言亦不爲怪矣

其守王宮者與其守厲禁者如蠻隸之事

義訂陳蘊之曰四隸所守皆如蠻隸之事者周之時以南方爲遠尤貴其來也故掌四夷之官名象胥而奏樂亦以南詩曰以雅以南記曰胥鼓南則周人之意可知矣

貉隸百有二十人

義訂鄭康成曰征東北夷所獲

掌役服不氏而養獸而教擾之

義訂王昭禹曰以服不氏掌養猛獸而教擾之故也

王氏曰不言阜蕃猛獸非所阜蕃之物
掌與獸言

訂王昭禹曰先王必使夷貉之隸與獸言者以鳥獸之無知尚可與言矧夷蠻之民哉此亦先王之微意 鄭鐸曰蠻人知養馬故以役校人貉人知養獸故以役服不氏各因其能而用之也人之性或能通知異類之語者非人之所能也使夷貉之人與禽獸言不使閩蠻之人者不強其所不能也其守王宮者與其守厲禁者如蠻隸之事大行人九州之外謂之蕃國世一見各以其所貴寶為準

訂易氏曰夷鎮二服實在九州之內蓋先王以其荒遠非巡守所至使不列於六服鄭氏徒見此二服不列於六服遂槩以為九州之外曰九州之外夷服鎮服蕃服也經止言蕃服鄭氏乃加之以夷鎮二服非也且弼成五服至于五千乃舜之十二州禹治水成功別為九州塗山之會執玉帛者萬國則亦九州內之五服在周則夷服蠻服以上是也若夫外薄四海咸建五長即周之所謂蕃服者當時雖不言所貢之遠物而言五長則有職必有貢故也至周人始詳其制天子巡守止於六服而夷鎮二服在九州之內則其朝貢繼於要服之後九州外之蕃國雖列於九服之末然世一見則不責以中國之禮各以其所貴寶為貢則不強以中國之物如武王克殷而西旅貢獒肅慎氏貢其楮矢以其所貴寶為貢也故明堂位朝諸侯于明堂而四夷皆在四門之外以成王之嗣位也世一見

明矣 鄭康成曰九州之外其君皆千男也無朝貢之歲父死子立及嗣王即位乃一來耳各以其所貴寶為貢則蕃國之君無執玉瑞者是以謂其君為小賓臣為小客所貴寶見傳者若犬戎獻白狼白鹿是也其餘則周書王會備焉 王昭禹曰自要服以上所貢有常物而蕃國則各以其所貴寶為貢者詳于治內而略于治外也 唐氏曰夷服鎮服尚在九州之內行人不言者見贊與蕃國同也言蕃雖以面言五百里為率通曰九州之外無道里之限矣

象胥

訂鄭康成曰通夷狄之言者曰象胥其有才知者也此類之本名東方曰寄南方曰象西方曰狄韃北方曰譯今總名曰象者周之德先致南方也 鄭鐸曰周自西土創業所先歸者南方之人觀江漢汝墳之詩皆南方之域其後越裳重譯而至亦南方之蠻因其先通知其言語故以名官 楊謹仲曰鄭氏謂周德先至南方未必然也特周之時南方最遠周始有重譯而獻者蓋周都豐鎬去西北則近去南方則遠堯都平陽故虞書言遠夷則曰蠻夷猾夏蠻夷率服武王言懷遠則曰通道于九夷八蠻若後世多言戎狄大抵去王都遠則言語嗜慾尤不同也 王昭禹曰掌四夷之言此獨以象言者舉一以互見也舉一而必言象以周之化自西而南以言其致者遠也 掌蠻夷閩貉戎狄之國使掌傳王之言而論說焉以和親之

訂王氏曰職方氏言四夷八蠻七閩九貉五戎六狄皆其國地可辨數要者也象胥言其國使而不言其國數則所掌非特職方可辨數要之國 王昭禹曰天子有道守在四夷殊方異俗莫不輸誠歸款象胥之譯其言又曷可少哉故掌傳王之言而論說焉論則使之命其言說則以言明其理 鄭鐸曰傳王之言而論說焉使知王之志意也以王之恩意曉諭其心乃和之使勿乖親之使勿疎若以時入賓則協其禮與其辭言傳之

訂鄭鐸曰以時入賓謂四夷之君以時親來也凡其出入送逆之禮節幣帛辭令而賓相之

訂鄭康成曰從來至去皆為擯而詔循其禮儀 王昭禹曰禮節所以相接幣帛所以致享辭令所以相與象胥掌擯而相之

凡作事王之大事諸侯次事卿次事大夫次事上士下事庶子

訂王昭禹曰凡作事謂作四夷之事王之大事諸侯侯者國之大事在祀與戎則作大事於四夷者謂有戎事於四夷也諸侯以敵王所愾為事在諸侯然則彤弓錫有功諸侯則蠻夷衰而諸夏盛故六月之序曰彤弓廢則諸夏衰矣次事則非戎事謂威讓之令文詰之辭或施於四夷者則量其事之輕重或以卿大夫或以上士也若夫下事則事之九小者故以庶子而已言下事庶子則包中士矣 鄭鐸曰事有大小爵有尊卑權有輕重因事用人各得其稱理之常也必於象胥言者蓋處夷狄之道尤不可不謹也

漢

漢承秦制置典客及典屬國以待歸義蠻夷後并屬大鴻臚

按漢書百官表典客秦官掌諸歸義蠻夷有丞景帝中六年更名大行令武帝太初元年更名大鴻臚屬官有行人譯官別火三令丞別火主治改火之事及郡郡長丞武帝太初元年更名行人爲大行令初置別火王莽改大鴻臚曰典樂初置郡國邸屬少府中屬中尉後屬大鴻臚

典屬國秦官掌蠻夷降者武帝元狩三年昆邪王降復增屬國置都尉丞候千人屬官九譯令成帝河平元年省并大鴻臚

後漢

後漢設大鴻臚待四夷之歸義者客曹尚書分南北邊郡皆置屬國都尉及匈奴中郎將烏桓護羌校尉之屬其歸義邑君邑長皆置丞比於郡縣

按後漢書百官志大鴻臚卿一人中二千石本注曰掌諸侯及四方歸義蠻夷其郊廟行禮贊導請行事既可以命羣司諸王入朝當郊迎典其禮儀及郡國上計匡四方來亦屬焉皇子拜王贊授印綬及拜諸侯諸侯嗣子及四方夷狄封者臺下鴻臚召拜之王薨則使弔之及拜王嗣丞一人比千石

大行令一人六百石本注曰主諸郎丞一人治禮郎四十七人屬大鴻臚承秦有典屬國別主四方夷狄朝貢侍子成帝時省并大鴻臚中興省驛官別火二令丞及郡郡長丞但令即治郡邸

成帝初置尚書四人客曹尚書主外國夷狄事世祖

承遵後分客曹爲南主客曹北主客曹

武帝都置屬國都尉主蠻夷降者建武六年省郡都尉惟邊郡置屬國都尉分縣治民比郡安帝以羌犯法乃復置右扶風都尉京兆虎牙都尉

使匈奴中郎將一人比二千石本注曰主護南單于置從事二人有省事隨事增之掾隨事爲員護羌烏桓校尉所置亦然

護烏桓校尉一人比二千石本注曰主烏桓胡護羌校尉一人比二千石本注曰主西羌

晉

四夷國王率衆王歸義侯邑君邑長皆有丞比郡縣晉大鴻臚統典客諸令及江左省之諸羌夷蠻置護羌校尉中郎將等官

按晉書百官志大鴻臚統大行典客及江左有事則權置無事則省

護羌夷蠻等校尉案武帝置南蠻校尉於襄陽西戎校尉於長安南夷校尉於寧州元康中護羌校尉爲涼州刺史西戎校尉爲雍州刺史南蠻校尉爲荊州

刺史及江左初省南蠻校尉尋又置於江陵改南夷校尉曰鎮蠻校尉及安帝時於襄陽置寧蠻校尉

護匈奴羌戎蠻夷越中郎將案武帝置四中郎將或領刺史或持節爲之武帝又置平越中郎將居廣州主護南越

武帝咸寧三年西北諸戎及鮮卑匈奴五溪蠻夷東夷三國後前千餘輩各帥種人部落內附

按晉書武帝本紀云云

宋

宋裁典客置南北主客其南蠻校尉西戎校尉南夷校尉猶仍晉初之制

按宋書百官志漢光武置客曹主外國夷狄事後又分南主客北主客晉江左省朱高祖加置太祖元嘉十年又省十一年又置

南蠻校尉晉武帝置治襄陽江左初省尋又置治江陵宋世祖孝建中省

西戎校尉晉初置長史安帝義熙中又置治中寧蠻校尉晉武帝置治襄陽以授魯宗之

南夷校尉晉武帝置治寧州江左改曰鎮蠻校尉四夷中郎校尉皆有長史司馬參軍魏晉有雜號護軍如將軍今猶有鎮蠻安遠等護軍鎮蠻以加廬江晉

熙西陽太守安遠以加武陵內史

南齊

南齊設客館令掌四方賓客又置諸羌蠻校尉及護軍等官

按南齊書百官志大鴻臚不常置客館令掌四方賓客

護南蠻校尉府置佐史隸荊州晉宋末省建元元年復置三年省延興元年置建武省

護三巴校尉宋置建元二年改爲刺史

寧蠻校尉府亦置佐史隸雍州

平蠻校尉永明三年置隸益州

鎮蠻校尉隸寧州

鎮蠻護軍

安遠護軍 晉世雜號多為郡領之

隋

隋始置四方館以待四夷後罷之臨時置四夷使者掌其事

按隋書百官志鴻臚寺改典客署為典蕃署初煬帝置四方館於建國門外以待四方使者後罷之有事則置名隸鴻臚寺量事繁簡臨時損益東方曰東夷使者南方曰南蠻使者西方曰西戎使者北方曰北狄使者各一人掌其方國及互市事每使者署典護錄事敘職敘儀監府監置互市監及副參軍各一人錄事主綱紀敘職掌其貴賤立功敘敘者敘儀掌小大次序監府掌其貢獻財貨監置掌安置其馳馬船車并糾察非違互市監及副掌互市參軍掌出入交易

易
大次序監府掌其貢獻財貨監置掌安置其馳馬船車并糾察非違互市監及副掌互市參軍掌出入交易

大次序監府掌其貢獻財貨監置掌安置其馳馬船車并糾察非違互市監及副掌互市參軍掌出入交易

大次序監府掌其貢獻財貨監置掌安置其馳馬船車并糾察非違互市監及副掌互市參軍掌出入交易

欽定古今圖書集成方輿彙編邊裔典

第二卷目錄

邊裔總部彙考二

唐 總一則 太宗貞觀二則 元宗開元一則
宋 總一則 哲宗元祐一則 徽宗政和一則
金 總一則 熙宗皇統一則 世宗大定二則
元 總一則 世祖至元二則 武宗至大一則

邊裔典第二卷

邊裔總部彙考二

唐

唐制關內河北隴右嶺南皆置大都護府以護諸國以親王遙領而以副都護主其事禮部有主客郎中及鴻臚寺卿皆掌諸蕃朝見之事兵部有職方郎中訊其山川風土圖其容狀衣服以聞

按唐書地理志關內道都護府二單于大都護府本雲中都護府龍朔三年置麟德元年更名土貢胡女布野馬勝革

安北大都護府本燕然都護府龍朔三年曰瀚海都督府總章二年更名開元二年治中受降城十年徙治豐勝二州之境十二年徙治天德軍土貢野馬勝革

河北道都護府一安東上都護府總章元年李勣平高麗國得城百七十六分其地爲都督府九州四十二縣一百置安東都護府於平壤城以統之用其酋渠爲都督刺史縣令上元三年徙遼東郡故城儀鳳

二年又徙新城聖曆元年更名安東都督府神龍元年復故名開元二年徙於平州天寶二年又徙於遼西故郡城至德後廢土貢人護

有安東守捉有懷遠軍天寶二載置又有保定軍隴右道都護府二北庭大都護府本庭州貞觀十四年平高昌以西突厥泥伏鉢鉢羅葉護阿史那賀魯部落置并置蒲昌縣尋廢顯慶三年復置長安二年爲北庭都護府土貢陰牙角速霍角阿魏截根

有瀚海軍本燭龍軍長安二年置三年更名開元中蓋嘉運增築西七百里有青海軍本青海鎮天寶中爲軍南有神山鎮自庭州西延城西六十里有沙鉢城守捉又有馮洛守捉又八里有耶勒城守捉又八里有俱六城守捉又百里至輪臺縣又百五十里有張堡城守捉又渡里移得建河

七十里烏宰守捉又渡白楊河七十里清鎮軍城又渡葉葉河七十里葉河守捉又渡黑水七十里黑水守捉又七十里東林守捉又七十里有西林守捉又經黃草泊大漠小積渡石漆

河輪車嶺至弓月城過思渾川蟄失蜜城渡伊麗河一名帝帝河至碎葉界又西行千里至碎葉城水皆北流入磧及入夷播海

安西大都護府初治西州顯慶二年平賀魯析其地置濠池崑陵二都護府分種落列置州縣西盡波斯國皆隸安西又徙治高昌故地三年徙治龜茲都督府而故府復爲西州咸亨元年吐蕃陷都護府長壽

二年收復安西四鎮至德元載更名鎮西後復爲安西土貢硃砂緋氍毹偏桃人吐蕃既侵河隴惟李元忠

守北庭郭斯守安西與沙陀迴紇相依吐蕃攻之久不下建中二年元忠斯遣使間道入奏詔各以爲大都護並爲節度貞元三年吐蕃攻沙陀迴紇北庭安西無援遂陷

有保大軍屯碎葉城于闐東界有蘭城坎城二守捉城西有慈嶺守捉城有胡弩固城吉良三鎮東有且末鎮西南有皮山鎮焉耆西有于術榆林龍泉東夷僻西夷僻赤岸六守捉城

嶺南道都護府一安南中都護府本交趾郡武德五年曰交州治交趾調露元年曰安南都護府至德二載曰鎮南都護府大曆三年復爲安南寶曆元年徙治宋平土貢蕉檳榔鮫革蟒蛇膽羣羽

有經略軍

按百官志禮部尚書其屬主客武德三年改司藩郎曰主客郎中主客郎中員外郎各一人掌二王後諸蕃朝見之事殊俗入朝者始至之州給牒覆其人數謂之邊牒蕃州都督刺史朝集日視品給以衣冠袴褶乘傳者日四驛乘驛者六驛供客食料以四時輪鴻臚季終句會之客初至及辭設會第一等視三品第二等視四品第三等視五品蕃望非高者視散官

而減半參日設食路由大海者給祈羊家皆一西南蕃使還者給入海程糧西北諸蕃則給度磧程糧蕃客請宿衛者奏狀貌年齒突厥使置市坊有貿易錄奏爲質其輕重太府丞一人蒞之蕃王首領死子孫襲初授官兄弟子降一品兄弟子代攝者嫡年十五

還以政使絕域者還上聞見及風俗之宜供饋贈脫之數

鴻臚寺卿一人從三品少卿二人從四品上丞一人從六品上掌賓客及因儀之事領典客司儀二署凡四夷君長以蕃望高下為簿朝見辨其等位第三等居武官三品之下第四等居五品之下第五等居六品之下有官者居本班御史察食料二王後夷狄君

長襲官爵者辨嫡庶諸蕃封命則受冊而往海外諸蕃朝賀進貢使有下從雷其半於境縣海路朝者廣州擇首領一人左右二人入朝所獻之物先上其數於鴻臚凡客還鴻臚籍衣齋賜物多少以報主客給過所蕃客奏事具至日月及所奏之宜方別為狀月一奏簿以副藏鴻臚獻馬則殿中太僕寺涖閱良者入殿中驚病人太僕獻藥者鴻臚寺驗覆少府監定價之高下鷹鶴狗豹無估則鴻臚定所報輕重凡獻物皆客執以見駝馬則陳於朝堂不足進者州縣留之龍朔二年改鴻臚寺曰同文寺武后光宅元年改曰司賓寺有府五人史十人亭長四人掌固六人典客署令一人從七品下丞三人從八品下掌二王後介公鄴公之版籍及四夷歸化在藩者朝賀宴享送迎皆預焉會渠首領朝見者給廩食病則遣醫給湯藥費則給以所須還蕃賜物則佐其受領教拜謝之節有典客十三人府四人史八人掌固二人掌客十五人正九品上掌送迎蕃客顯位館舍兵部職方郎中員外郎各一人掌地圖城隍鎮戍烽候防人道路之遠近及四夷歸化之事凡圖經非州縣增廢五年乃修歲與版籍偕上凡蕃客至鴻臚訊其國山川風土為圖奏之副上於職方殊俗入朝者圖其容狀衣服以聞

按地理通釋開元四年親王始遙領大都護

注府之政以副大都護主之

太宗貞觀 年西北諸蕃蠻夷內屬部落置州縣皆邊州都督都護所領著於令式

按唐書太宗本紀不載 按地理志羈縻州唐與初未暇於四夷自太宗平突厥西北諸蕃及蠻夷稍稍內屬即其部落列置州縣其大者為都督府以其首領為都督刺史皆得世襲雖貢賦版籍多不上戶部然聲教所暨皆邊州都督都護所領著於令式今錄招降開置之自以見其盛其後或臣或叛經制不一不能詳見突厥回紇党項吐谷渾隸關內道者為府二十九州九十突厥之別部及奚契丹靺鞨降胡高麗隸河北者為府十四州四十六突厥回紇党項吐谷渾之別部及龜茲于闐焉者疏勒河西內屬諸胡西域十六國隸隴右者為府五十一州百九十八羌蠻隸劍南者為州二百六十一蠻隸江南者為州五十一隸嶺南者為州九十三又有党項州二十四不知其隸屬大凡府州八百五十六號為羈縻云貞觀三年是歲中國人歸自塞外及開四夷為州縣者百二十餘萬人按唐書太宗本紀云云元宗開元 年定實禮以待四夷君長按唐書元宗本紀不載 按禮樂志二曰實禮以待四夷之君長與其使者蕃國主來朝遣使者迎勞前一日守宮設次於館門之外道右南向其日使者就次蕃主服其國服立於東階下西面使者朝服出次立於門西東面從者執東帛立於其南有司出門西

面曰敢請事使者曰奉制勞某主譯其有司入告蕃主迎於門外之東西面再拜俱入使者先升立於西階上執東帛者從升立於其北俱東向蕃主乃升立於東階上西面使者執幣曰有制蕃主將下拜使者曰有後制無下拜蕃主旋北面再拜稽首使者宣制蕃主進受命退復位以幣授左右又再拜稽首使者降出立於門外之西東面蕃主送於門之外西止使者揖以俱入讓升蕃主先升東階上西面使者升西階上東面蕃主以主物償使者使者再拜受蕃主再拜送物使者降出蕃主從出門外皆如初蕃主再拜送使者還蕃主入鴻臚迎引詣朝堂依方北面立所司奏聞舍人承敕出稱有敕蕃主再拜宣勞又再拜乃就館皇帝遣使戒蕃主見日如勞禮宣制曰某日某主見蕃主拜稽首使者降出蕃主送蕃主奉見前一日尚舍奉御設御帳於太極殿南向蕃主坐於西南東向守宮設次太樂令展官縣設舉座位於上下鼓吹令設十二按乘黃令陳車輅尚輦奉御陳輿章典儀設蕃主立位於縣南道西北面蕃國諸官之位於其後重行北面西上典儀位於縣之東北贊者二人在南差退俱西面諸衛各勒部屯門列黃麾仗所司迎引蕃主至承天門外就次本司人奏鉞戟近仗皆入典儀帥贊者先入就位侍中版奏請中嚴諸侍衛之官及符寶郎詣闕奉迎蕃主及其屬各立於關外西廂東面侍中版奏外辦皇帝服通天冠絳紗袍乘輿以出舍人引蕃主入門舒和之樂作典儀曰再拜蕃主再拜稽首侍中承制降詣蕃主西北東面曰有制蕃主再拜稽首乃宣制又再拜稽首侍中還奏

承制降勞敕升座蕃主再拜稽首升坐侍中承制勞問蕃主俛伏避席將下拜侍中承制曰無下拜蕃主復位拜而對侍中還奏承制勞還館蕃主降復縣南位再拜稽首其官屬勞以舍人與其主俱出侍中奏禮畢皇帝與若蕃國遣使奉表幣其勞及戒見皆如蕃國主庭實陳於客前中書侍郎受表置於案至西階以表升有司各率其屬受其幣焉其宴蕃國主及其使皆如見禮皇帝已即御坐蕃主入其有獻物陳於其前侍中承制降勞蕃主升坐蕃主再拜奉贊曰某國蕃臣某敢獻壤泥侍中升奏承旨曰朕其受之侍中降於蕃主東北西面稱有制蕃主再拜乃宣制又再拜以贊授侍中以授有司受其餘幣俱以東舍人承旨降敕就坐蕃國諸官俱再拜應升殿者自西階其不升殿者分別立於廊下席後典儀曰就坐階下贊者承傳皆就坐太樂令引歌者及琴瑟至階脫履升坐其笙管者就階間北面立尚食奉御進酒至階典儀曰酒至與階下贊者承傳皆俯伏典立殿中監及階省酒尚食奉御進酒皇帝舉酒良醴令行酒典儀曰再拜階下贊者承傳皆再拜受賜皇帝初舉酒登歌作昭和三終尚食奉御受虛罍奠於玷酒三行尚食奉御進食典儀曰食至與階下贊者承傳皆興立殿中監及階省校尚食奉御品嘗食以次進太官令行蕃主以下食校典儀曰就坐階下贊者承傳皆就坐皇帝乃飯蕃主以下皆飯徹校又行酒遂設庶羞二舞以次入作食畢蕃主以下復位於縣南皆再拜若有筐篚舍人前承旨降宣敕蕃主以下又再拜乃出

德宗貞元 年尚書右僕射同中書門下平章事賈耽考方域道里凡諸方通譯鴻臚之國悉紀其往來之路與關戍走集之最要者

按唐書德宗本紀不載 按地理志唐置羈縻諸州皆傍塞外或寓名於夷落而四夷之與中國通者甚衆若將臣之所征討敕使之所慰賜宜有以紀其所從出天寶中元宗問諸蕃國遠近鴻臚卿王忠嗣以西域圖對纔十數國其後貞元宰相賈耽考方域道里之數最詳從邊州入四夷通譯於鴻臚者莫不畢紀其入四夷之路與關戍走集最要者七一日營州入安東道二日登州海行入高麗渤海道三日夏州塞外通大同雲中道四日中受降城入回鶻道五日安西入西域道六日安南通天竺道七日廣州通海夷道其山川聚落封略遠近概舉其目州縣有名而前所不錄者或夷狄所自名云

營州西北百里曰松陁嶺其西奚其東契丹距營州北四百里至遼水營州東百八十里至燕郡城又經汝羅守捉渡遼水至安東都護府五百里府故漢襄平城也東南至平壤城八百里西南至都里海口六百里西至建安城三百里故中郭縣也南至鴨綠江北泊灼城七百里故安平縣也自都護府東北經古城臨忽汗海其西南三千里古肅慎城其北經德理鎮至南黑水靺鞨千里登州東北海行過大謝島龜欽島於島島湖島三百里北渡島湖海至馬石山東之都里鎮二百里東傍海墻過青泥浦桃花浦杏花浦石人汪豪駝灣島骨江八百里乃南傍海墻過島

牧島貝江口椒島得新羅西北之長口鎮又過秦王石橋麻田島古寺島得物島千里至鴨綠江唐恩浦口乃東南陸行七百里至新羅王城自鴨綠江口舟行百餘里乃小舫泝流東北三十里至泊灼口得渤海之境又泝流五百里至九都縣城故高麗王都又東北泝流二百里至神州又陸行四百里至顯州天寶中王所都又正北如東六百里至渤海王城

夏州北渡鳥水經賀麟澤拔利干澤過沙次內橫刺沃野泊長澤白城百二十里至可朱渾水源又經故陽城澤橫刺北門突紇利泊石子嶺百餘里至阿顏泉又經大非苦鹽池六十六里至賀蘭驛又經庫也干泊彌鵝泊榆祿渾泊百餘里至地類澤又經步拙泉故城八十八里渡鳥那水經胡洛鹽池紇伏干泉四十八里度庫結沙一曰普納沙二十八里過橫水五十九里至十貴故城又十里至寧遠鎮又涉屯根水五十里至安樂戍戍在河西墻其東墻有古大同城今大同城故末濟柵也北經大泊十七里至金河又經故後魏沃野鎮城傍金河過古長城九十二里至吐俱麟川傍水行經破落汗山賀悅泉百三十一里至步越多山又東北二十里至額特泉又東六十里至賀人山山西磧口有詰特健泊吐俱麟川水西有城城東南經拔厥那山二百三十里至帝制達城又東北至諾真水又東南百八十七里經古可汗城至鹹澤又東南經烏咄谷二百七十里至古雲中城又西五十五里有綏遠城皆靈夏以北蕃落所居中受降城正北如東八十里有呼延谷谷南口有呼延柵谷北口有歸唐柵車道也入回鶻使所經又五

百里至驚鵲泉又十里入磧經鹿山鹿耳山錯甲山八百里至山鷺子井又西北經密粟山達旦泊野馬泊可汗泉橫嶺綿泉鏡泊七百里至回鶻衙帳又別道自驚鵲泉北經公主城眉間城恒羅思山赤崖鹽泊渾義河爐門山木燭嶺千五百里亦至回鶻衙帳東有平野西據烏德韃山南依盟昆水北六七百里至仙娥河河北岸有富貴城又正北如東過雪山松樺林及諸泉泊千五百里至骨利幹又西十三日行至都播部落又北六七日至堅昆部落有牢山劍水又自衙帳東北渡仙娥河二百里至室韋骨利幹之東室韋之西有鞠部落亦曰被部落其東十五日行有俞折國亦室韋部落又正北十日行有大漢國又北有骨師國骨利幹都播二部落北有小海水堅時馬行八日可度海北多大山其民狀貌甚偉風俗類骨利幹畫長而夕短回鶻有延姪伽水一日延特勒泊曰延特勒那海烏德韃山左右噶昆河獨邏河皆屈曲東北流至衙帳東北五百里合流泊東北千餘里有俱輪泊泊之四面皆室韋

安西西出柘厥關渡白馬河百八十里西入俱毗羅磧經苦井百二十里至俱毗羅城又六十里至阿悉言城又六十里至撥換城一日威戎城曰姑墨州南臨思渾河乃西北渡撥換河中河距思渾河百二十里至小石城又二十里至于闐境之胡蘆河又六十里至大石城一日于祝曰溫肅州又西北三十里至粟樓烽又四十里度拔達嶺又五十里至頓多城烏孫所治赤山城也又三十里渡真珠河又西北度之驛嶺五十里渡雪海又三十里至碎卜戍傍碎卜水

五十里至熱海又四十里至凍城又百一十里至賀獵城又三十里至葉支城出谷至碎葉川口八十里至裴羅將軍城又西四十里至碎葉城城北有碎葉水城北四十里有羯丹山十姓可汗每立君長於此自碎葉西四十里至米國城又三十里至新城又六十里至頓建城又五十里至阿史不來城又七十里至俱蘭城又十里至稅建城又五十里至恒羅斯城自撥換碎葉西南渡渾河百八十里至濟渴館故和平舖也又經故達幹城百二十里至謁者館又六十里至據史德城龜茲境也一日鬱頭州在赤河北岸孤石山渡赤河經岐山三百四十里至葭蘆館又經達漫城百四十里至疏勒鎮南北西三面皆有山城在水中城東又有漢城亦在灘上赤河來自疏勒西葛羅嶺至城西分流合於城東北入據史德界自撥換南而東經崑岡渡赤河又西南經神山雕陽鹹泊又南經疎樹九百三十里至于闐鎮城于闐西五十里有葦關又西經渤海西北渡繫河六百二十里至郅支滿城一日磧南州又西北經苦井黃渠三百二十里至雙泉故羯飯館也又西北經半城百六十里至演渡州又北八十里至疏勒鎮自疏勒西南入劍末谷青山嶺青嶺不忍嶺六百里至慈嶺守捉故羯盤陀國開元中置守捉安西極邊之戎有寧彌故城一日達德力城曰汗彌國曰拘彌城于闐東三百九十里在建德力河東七百里有精絕國于闐西南三百八十里至皮山城北與姑墨接凍凌山在于闐東西南七百里又于闐東三百里有坎城鎮東六百里有蘭城鎮南六百里有胡弩鎮西二百里有固城

鎮西三百九十里至吉良鎮于闐東距且末鎮千六百里自焉耆西五十里過鐵門關又二十里至于術守捉城又二百里至榆林守捉又五十里至龍泉守捉又六十里至東夷僻守捉又七十里至西夷僻守捉又六十里至赤岸守捉又百二十里至安西都護府又一路自沙州壽昌縣西十里至陽關故城又西至蒲昌海南岸千里自蒲昌海南岸西經七屯城漢伊修城也又西八十里至石城鎮漢樓蘭國也亦名鄯善在蒲昌海南三百里康鑑典為鎮使以通西域者又西二百里至新城亦謂之弩支城鑑典所築又西經特勒井渡且末河五百里至播仙鎮故且末城也高宗上元中更名又西經悉利支井稷井勿遮水五百里于闐東蘭城守捉又西經移杜堡彭懷堡次城守捉三百里至于闐

安南經交趾太平百餘里至峰州又經南田百三十里至恩樓縣乃水行四十里至忠城州又二百里至多利州又三百里至朱貴州又四百里至丹棠州皆生獠也又四百五十里至古湧步水路距安南凡千五百五十里又百八十里經浮動山天井山山上夾道皆天井間不容跬者三十里二日行至湯泉州又五十里至祿索州又十五里至龍武州皆蠻蠻安南境也又八十三里至儋遲頓又經入平城八十里至洞渚水又經南亭百六十里至曲江劍南地也又經通海鎮百六十里渡海河利水至絳縣又八十里至晉寧驛戎州地也又八十里至柘東城八十里至安寧故城又四百八十里至靈南城又八十里至白崖城又七十里至蒙舍城又八十里至龍尾城又十里

至太和城又二十五里至羊苴咩城自羊苴咩城西至永昌故郡三百里又西渡怒江至諸葛亮城二百里又南至樂城二百里又入驛國境經萬公等八部落至悉利城七百里又經突曼城至驛國千里又自驛國西度黑山至東天竺迦摩波國千六百里又西北渡迦羅都河至奔那伐檀那國六百里又西南至中天竺國東境恆河南岸羯朱囉羅國四百里又西至摩竭陀國六百里一路自諸葛亮城西去騰充城二百里又西至彌城百里又西過山二百里至麗水城乃西渡麗水龍泉水二百里至安西城乃西渡彌諾江水千里至大秦婆羅門國又西渡大嶺三百里至東天竺北界箇沒盧國又西南千二百里至中天竺國東北境之奔那伐檀那國與驛國往婆羅門路合一路自驛州東二日行至唐林州安遠縣南行經古羅江二日行至環王國之檀洞江又四日至朱崖又經卑補鎮二日至環王國城故漢日南郡地也自驛州西南三日行度霧溫嶺又一日行至棠州日落縣又經羅倫江及古朗洞之石密山三日行至棠州文陽縣又經黎黎洞四日行至文單國之算臺縣又三日行至文單外城又一日行至內城一日陸真臘其南水真臘又南至小海其南羅越國又南至大海廣州東南海行二百里至屯門山乃帆風西行二日至九州石又南二日至象石又西南二日行至占不勞山在環王國東二百里海中又南二日行至陵山又一日行至門毒國又一日行至古宜國又半日行至奔陀浪洲又兩日行至軍突弄山又五日行至海峽番人謂之質南北百里北岸則羅越國南岸則

佛逝國佛逝國東水行四五日至訶陵國南中洲之最大者又西出狹三日至葛葛僧祇國在佛逝西北隅之別島國人多鈔暴乘舶者畏懼之其北岸則箇羅國箇羅西則哥谷羅國又從葛葛僧祇四五日行至勝鄒洲又西五日行至婆露國又六日行至婆國伽藍洲又北四日行至師子國其北海岸距南天竺大岸百里又西四日行經沒來國南天竺之最南境又西北經十餘小國至婆羅門西境又西北二日行至拔廼國又十日行經天竺西境小國五至提廼國其國有彌蘭大河一曰新頭河自北渤崑國來西流至提廼國北入於海又自提廼國西二十日行經小國二十餘至提羅盧和國一曰羅和異國國人於海中立華表夜則置炬其上使舶人夜行不迷又西一日行至烏刺國乃大食國之弗利刺河南入於海小舟派流二日至末羅國大食重鎮也又西北陸行千里至茂門王所都縛達城自婆羅門南境從沒來國至烏刺國皆緣海岸行其西岸之西皆大食國其西最南謂之三蘭國自三蘭國正北二十日行經小國十餘至設國又十日行經小國六七至薩伊羅和竭國當海西岸又西六七日行經小國六七至沒異國又西北十日行經小國十餘至拔離調磨難國又一日行至烏刺國與東岸路合西域有陀拔思單國在疏勒西南二萬五千里東距渤達國西至涅滿國皆一月行南至羅刹支國半月行至海兩月行羅刹支國東至都樂國半月行至沙蘭國南至大食國皆二十日行都樂國東至大食國半月行南至大食國二十五日行北至勃達國一月行勃達國東至

大食國兩月行西北至岐蘭國二十日行北至大食國一月行河沒國東南至陀拔國半月行西北至岐蘭國二十日行南至沙蘭國一月行北至海兩月行岐蘭國西至大食國兩月行南至涅滿國二十日行北至海五日行涅滿國西至大食國兩月行南至大食國一月行北至岐蘭國二十日行沙蘭國南至大食國二十五日行北至涅滿國二十五日行石國東至拔汗那國百里西南至東米國五百里屬賓國在疏勒西南四百里東至俱蘭城國七百里西至大食國千里南至婆羅門國五百里北至吐火羅國二百里東米國在安國西北二千里東至碎葉國五千里西南至石國千五百里南至拔汗那國千五百里史國在疏勒西二千里東至俱密國千里西至大食國二千里南至吐火羅國二百里西北至康國七百里

宋

宋制主客郎中鴻臚寺等官掌四夷封爵禮命朝貢宴勞給賜送迎之事

按宋史職官志主客郎中員外郎掌以賓禮待四夷之朝貢凡郊勞授館宴設賜予辨其等而以式頒之至則圖其衣冠書其山川風俗有封爵禮命則承詔頒付

鴻臚寺舊置判寺事一人以朝官以上充元豐官制行置卿一人少卿一人丞主簿各一人卿掌四夷朝貢宴勞給賜送迎之事少卿爲之貳丞參領之凡四夷君長使節朝見辨其等位以賓禮待之授以館舍而頒其見辭賜予宴設之式戒有司先期辦具有貢物則具其數報四方館引見以進諸蕃封冊即行其

禮命若崇義公承襲則辨其嫡庶具名上尚書省往來國信所掌大遼使介交聘之事

都亭西驛及管幹所掌河西蕃部貢奉之事

禮賓院掌回鶻吐蕃党項女真等國朝貢館設及互市譯語之事

懷遠驛掌南蕃交州西蕃龜茲大食于闐甘棠宗哥等國貢奉之事

同文館及管勾所掌高麗使命

已上並屬鴻臚寺中興後廢鴻臚不置併入禮部

哲宗元祐二年定蕃國使至逐餞犒設及入貢貿易之制又令諸蕃初入貢者安撫等司問在國遠近大小保明聞奏

按宋史哲宗本紀不載 按禮志元祐二年知穎昌府韓縝言交趾小國使人將及境臣嘗近彌難以抗禮按元豐中逐以兵官餞以通判使副詣府其犒設令兵官主之請如故事仍詔所過郡凡前宰相執政官知判者亦如之又詔立回賜于闐國信分物法歲遣貢使雖多止一加則又命于闐國使以表章至則問歲聽一入貢餘令於熙秦州貿易禮部言元豐著令西南五姓蕃每五年許一貢今西蕃秦平軍入貢期限未及詔特許之學士院言諸蕃初入貢者請令安撫鈐轄轉運等司體問其國所在遠近大小與見今入貢何國爲比保明開奏庶待遇之禮不致失當

徽宗政和 年定夏國與各國使入見禮儀次第 按宋史本紀不載 按禮志政和初復舊使見日俟見班絕謝班前使奉表函引入殿庭副使隨入西向立舍人揖躬舍人當殿躬奏夏國進奉使姓名以下

祇候見引當殿前跪進表函舍人受之副入內侍省官進呈使者起歸位四拜起居舍人宣有敕賜某物兼賜酒饌跪授箱過俛伏興再拜舍人曰各祇候揖西出次從人入不奏即引當殿四拜起居舍人宣賜分物兼賜酒食跪授箱過俛伏興再拜舍人曰各祇候揖西出辭日引使副入殿庭西向立舍人揖躬舍人當殿躬奏夏國進奉使姓名以下祇候辭引當殿四拜宣賜某物酒饌再拜如見儀凡蕃使見辭同日者先夏國次高麗次交趾次海外蕃客次諸蠻

宣和 年詔蕃國入貢本路驗實保明 按宋史徽宗本紀不載 按禮志宣和詔蕃國入貢令本路驗實保明如涉詐僞以上書詐不實論 高宗紹興三十二年詔諸國欲朝貢者論遣毋奏聞 按宋史高宗本紀不載 按禮志三十二年孝宗登極詔曰比年以來累有外國入貢太上皇帝冲謙弗受况朕涼菲又何以堪自今諸國有欲朝貢者令所在州軍以理論遣毋得以聞

金

金制外國使入見曲宴朝辭之禮皆小起居閣門使導引之

按金史禮志外國使入見儀皇帝御座鳴鞭報時畢殿前班小起居畢至侍立位引臣僚左右入丹墀小起居引宰執上殿其餘臣僚分班出閣門使奏使者入見誘子先引宋使副出笏捧書左入至丹墀北向立閣使左下接書捧書者單跪授書拜起立閣使左上露階右入欄內奏封全轉讀畢引使副左上露階齊揖入欄內揖使副鞠躬使少前拜跪附奏畢拜

起復位立待宣問宋皇帝時並鞠躬受敕旨再揖鞠躬使少前拜跪奏畢起復位齊退却引使副左下至丹墀北向立禮物右入左出盡揖使副傍折通班再引至丹墀舞階五拜不出班奏聖躬萬福再拜揖使副鞠躬使出班謝面天顏復位舞階五拜再揖使副鞠躬使出班謝遠差接伴兼賜湯藥諸物等復位舞階五拜各祇候引出出賜衣次引宋人從入通名已下再拜不出班又再拜各祇候亦引右出次引高麗使左入至丹墀北向略立引使左上露階立定揖橫使鞠躬正使少前拜跪附奏畢拜起復位立閣使宣問高麗王時並鞠躬受敕旨畢再揖橫使鞠躬正使少前拜跪奏畢拜起復位齊退却引左下至丹墀面殿立定禮物右入左出盡揖使副傍折通班畢引至丹墀通一十七拜各祇候平立引左階立次引夏使見如上儀引出階立次再引宋使副左入至丹墀謝恩舞階五拜各祇候平立次引高麗夏使並至丹墀三使並鞠躬有敕賜酒食舞階五拜各祇候引出出次引宰執下殿禮畢

曲宴儀皇帝御座鳴鞭報時畢殿前班小起居到侍立位引臣僚并使客左入傍折通班至丹墀舞階五拜不出班奏聖躬萬福又再拜出班謝宴舞階五拜各上殿祇候分引預宴官上殿其餘臣僚右出次引宋使從人入至丹墀再拜不出班奏聖躬萬福又再拜有敕賜酒食又再拜引左廊立次引高麗夏從人入分引左右廊立果牀入進酒皇帝舉酒時上下侍立官並再拜接盞畢候進酒官到位當坐者再拜坐即行臣使酒傳宣立飲畢再拜坐次從人再拜坐